

# V LIGA GALEGA DE ORIENTACIÓN EN BICICLETA- MTBO 2017

## NORMAS ANUAIS

Aprobadas na Asemblea Xeral de 17 decembro 2016

Modificadas en reunión de 28 xaneiro 2017

### ÍNDICE

1. DENOMINACIÓN .....	2
2. ORGANIZACIÓN.....	2
3. INSCRICIÓNS.....	2
4. CATEGORÍAS.....	2
5. ENTRENOS EN MAPAS DE COMPETICIÓN .....	3
6. RANKING DA LIGA GALEGA .....	3
7. CLASIFICACIÓN INDIVIDUAL .....	4
8. CLASIFICACIÓN POR CLUBES .....	5
9. PUBLICACIÓN DE RESULTADOS .....	5
10. ENVÍO DE RESULTADOS Á SECCIÓN DE RANKING .....	5
11. XURADO TÉCNICO.....	6
12. SUSPENSIÓN DE PROBAS .....	6
13. RECLAMACIÓNS.....	6
14. DISPOSICIÓN FINAL.....	6
ANEXO 1. CATEGORÍAS E COTAS 2017 .....	7
ANEXO 2. CALENDARIO V LIGA GALEGA ORIENTACIÓN EN BICICLETA-MTBO.....	8

## 1. DENOMINACIÓN

V Liga Galega de Orientación en Bicicleta-MTBO, tempada 2017.

## 2. ORGANIZACIÓN

A organización estará a cargo da Federación Galega de Orientación (FEGADO) e, no que se refire as probas, dos clubs que a compoñen.

## 3. INSCRICIÓNS

**3. 1.** As inscricións de deportistas serán realizadas **a través dos clubs** ós que pertencen os corredores, con indicación do nome, apelidos, categoría, e número de licenza federativa. A falla de calquera destes datos fará a inscrición nula.

**3. 2.** As inscricións de corredores federados deberán ser efectuadas **antes do martes**, ás 22:00 horas, da semana da proba. Máis tarde, o club organizador poderá non aceptalas ou consideralas «con recargo».

**3. 3.** Os deportistas non federados terán que inscribirse obrigatoriamente antes do martes, ás 22:00 horas, da semana da proba. O club organizador xestionará a súa **licenza de proba**, que inclúe o seguro correspondente.

**3. 4.** Facilitarase a inscrición por parte de tódolos clubs, a aqueles deportistas federados de clubs non FEGADO, e ós non federados que se inicien na orientación.

**3. 5.** A organización de cada proba, na medida do posible, facilitará antes do día da proba as horas de saída ós clubs, preferiblemente vía **web FEGADO**.

**3. 6.** Os responsables da organización das inscricións de cada competición poderán esixir a presentación da licenza a tódolos deportistas co fin de confirmar a axeitada inscrición. En casos especiais, poderá dar fe da corrección dos datos o delegado do club, que terá que estar debidamente acreditado e identificado.

## 4. CATEGORÍAS (ver Anexo 1)

**4. 1.** Para facilitar a organización das probas de Liga, así como a elaboración do *ranking*, os participante agrúpanse en categorías.

**4. 2.** O club organizador dunha proba pode preparar tantos percorridos como considere oportuno, tendo en conta as seguintes categorías:

Iniciación curta

Iniciación longa

Cadete masculino, Cadete feminino

**Xuvenil masculino, Xuvenil feminino**

Junior masculino, Junior feminino

**Veterano masculino C, Veterano feminino C**

Veterano masculino B, Veterano feminino B

Veterano masculino A, Veterano feminino A

Senior masculino B, Senior feminino B

Senior masculino A, Senior feminino A

**4. 3.** Un deportista federado que así o considere, poderá participar nunha categoría inferior á que lle corresponda, considerando fóra de competición (FC). Poderá participar dentro de

competición en calquera categoría que lle corresponda, aínda que para o *ranking* galego será de aplicación o contemplado no apartado 6.

4. 4. Os deportistas non federados, independentemente da idade, so poderán inscribirse para participar na categoría de Iniciación, curta ou longa.

## 5. ENTRENOS EN MAPAS DE COMPETICIÓN

(Sen contido)

## 6. RANKING DA LIGA GALEGA 2017

### 6. 1. Requisitos para que un deportista poda figurar no *ranking*:

- Pertencer a un club de orientación da FEGADO.
- Participar na categoría correspondente á súa idade, ou ben nalgunha de nivel superior.
- Ter licenza federativa en vigor para a tempada 2017.

As puntuacións dun deportista empezarán a ser válidas para o *ranking* da Liga Galega a partir do momento en que cumpra os requisitos anteriores.

### 6. 2. Probas puntuables:

Para a tempada 2017 hai inicialmente un total de 7 probas que puntúan para o *ranking*. Cada corredor sumará os puntos dos mellores resultados obtidos, tomando os correspondentes ó 70 por cen do total de probas, redondeando o decimal ó enteiro máis próximo (por tanto, para 5 probas, puntúan 4 resultados; para 4 probas, 3 resultados; e así sucesivamente).

### 6. 3. Sistema de puntuación:

Proba diúrna individual tipo clásica, media ou sprint:

Ó vencedor dunha proba, nunha categoría, outorgaráselle a cantidade de 100 puntos. O resto de corredores da categoría puntuarán en función da diferenza de tempos con respecto ó gañador, e en base á seguinte relación:

$$\text{Puntos corredor} = (\text{Tempo gañador} / \text{Tempo corredor}) \times 100$$

O número de puntos obtido será redondeado a número enteiro.

Proba diurna individual tipo scoring:

Ó vencedor da proba, nunha categoría, outorgaráselle 100 puntos para o *ranking*. O resto de corredores da categoría puntuarán en función da diferenza de puntos con respecto ó gañador, e seguindo a seguinte relación:

$$\text{Puntos corredor} = (\text{Puntuación corredor} / \text{Puntuación gañador}) \times 100$$

O número de puntos obtido redondearase a número enteiro. Se a puntuación na proba dun corredor foi inferior a 0, entón para o *ranking* aplicaráselle unha puntuación de 0.

- Os deportistas que non rematen axeitadamente unha proba aparecerán nos listados coma “descalificados” (DESC).
- Os deportistas que tomando parte na proba se retiren antes de finalizala aparecerán nos listados como “retirados” (RET).
- Os deportistas que non se presenten á proba aparecerán nos listados coma “non presentados” (NON PRES). Non recibirán puntuación.

- Os participantes fóra de competición (FC) non obterán puntuación algunha para o *ranking*.
- **Só se pode puntuar nunha categoría**, tanto para o *ranking* individual coma de clubs. Se un corredor participa en varias, ás que poda ter dereito, antes de celebrada a 3ª xornada o seu club deberá notificar ó responsable de *ranking* da FEGADO a categoría na que se incluírá ó corredor. En caso de non facelo, será incluído naquela categoría en que máis teña competido. Serán anuladas nos dous tipos de *ranking* as puntuacións obtidas nas outras categorías en que puidese ter participado.
- Todo participante inscrito que tome a saída recibirá un mínimo de 10 puntos.

#### **6. 4. Probas anuladas:**

Unha proba ou categoría será anulada, unha vez celebrada, cando así o decida o Xuíz Controlador de dita proba.

Se unha proba ou categoría é anulada, unha vez que se celebrou, aplicarase ós afectados un factor de corrección. Este factor será igual á media de puntos, de ata os 2 mellores resultados obtidos ó longo das competicións que forman parte da Liga nas que teña participado.

Na confección do *ranking* non se porá límite ó número de probas anuladas para as que se outorga un factor de corrección.

#### **6. 5. Organizadores:**

Aqueles membros do club organizador que estiveran implicados en tarefas que lles impidan tomar parte na proba, poderán obter unha puntuación coma organizador nun máximo de dúas, segundo o seguinte:

*aplicaráselle un factor de corrección, ó final da liga, que consistirá en asignar coma puntuación para a proba organizada un total igual á media de ata as súas 2 mellores puntuacións. Para a proba organizada aplicarase un mínimo de 40 puntos.*

O número máximo de deportistas que poden obter unha puntuación coma organizador por proba será de 10. Non se inclúe neste cupo ó Xuíz Controlador, ó que tamén se lle aplicará o mesmo factor, puidendo éste sumar ata tres probas con factor, das que dúas como máximo como organizador.

Soamente poderán obter unha puntuación, coma organizador de probas de Liga Galega, aqueles deportistas de polo menos 16 anos de idade.

### **7. CLASIFICACIÓN INDIVIDUAL**

**7. 1. Declararase gañador** de cada categoría ó deportista que obteña a maior puntuación despois de sumar como máximo os seus mellores resultados nas probas en que teña participado, dacordo co disposto no punto 6.2.

**7. 2.** En caso de empate seguiranse os seguintes **criterios de desempate**: situarase primeiro aquel corredor que teña maior cantidade de primeiros postos, en caso de que o empate persista miraranse os segundos postos, e así sucesivamente, tendo en conta que nas probas organizadas se lles outorgará unha posición equivalente á mellor das que obtivera correndo (por exemplo, se tivera unha primeira posición, a carreira organizada valería como outra primeira posición). No caso de que continúe o empate, compararanse as clasificacións das probas en que tiveran coincidido e situarase primeiro o que resultou mellor clasificado máis veces (contabilizaranse tódalas probas disputadas, incluíndo as organizacións).

## 8. CLASIFICACIÓN DA LIGA DE CLUBS

**8. 1.** Nunha proba, cada club puntuará o total das sumas das 4 mellores de menores (cadete, xuvenil e junior, en ambos sexos), das 4 mellores de veteráns (A, B e C, en ambos sexos) e das 6 mellores Senior (A e B, en ambos sexos, tendo en conta que ás puntuacións das categorías B aplicaráselles un coeficiente de 0,8), tendo en conta que non poderán puntuar máis de 2 orientadores por categoría, nos grupos de menores e de veteráns, e de 3 orientadores por categoría nas categorías Senior.

**8. 2.** A puntuación total de cada club calcularase sumando a de todas as probas que compoñen a Liga Galega 2017. O club que ó finalizar a Liga obteña maior puntuación, será proclamado Campión Absoluto da Liga Galega de Orientación en Bicicleta 2017-MTBO.

## 9. PUBLICACIÓN DE RESULTADOS

**9. 1.** Durante a celebración da competición publicaranse os resultados parciais da proba mediante listados ou no *tendal* de tarxetas, sempre que as condicións o permitan.

**9. 2.** O club organizador será responsable de enviar na maior brevidade posible unha copia das clasificacións da competición que organizará a tódolos clubs participantes, **con inclusión dos parciais**, vía **web FEGADO**.

**9. 3.** A sección de *ranking* publicará en cada unha das probas as puntuacións obtidas polos deportistas ata a presente proba.

## 10. ENVÍO DE RESULTADOS Á SECCIÓN DE RANKING

**10. 1.** Os organizadores enviarán os resultados ó responsable do *ranking* en formato dixital, preferentemente en excel, vía correo-e, os días inmediatamente posteriores á proba.

**10. 2.** Na clasificación figurarán claramente identificados nas súas respectivas categorías os corredores con licenza federativa (competidores e FC), os que teñen licenza de proba dun día (iniciación e FC), e os non presentados, os descalificados e os retirados.

**10. 3.** Na clasificación incluíranse os seguintes datos dos corredores:

- (A) Categoría en que participou o corredor. Inclúirase a distancia, o desnivel e o número de controis do correspondente percorrido.
- (B) Número de orde na clasificación. Deben figurar só os corredores con licenza federativa.
- (C) Os dous apelidos completos.
- (D) O nome.
- (E) O nome do club, ou siglas que o identifiquen.
- (F) O tempo invertido polo corredor en realiza-la carreira, expresado en horas, minutos e segundos.
- (G) O número da súa licenza federativa.
- (H) As observacións que se consideren oportunas.

**10. 4.** Tamén incluírase unha relación dos membros do club que estiveran implicados nas labores de organización, e que obterán a puntuación de organizador segundo se especifica no artigo 6.5.

Os datos remitiranse ó responsable do *ranking*:

Nome: Javier Arufe Varela  
Teléfono móbil: 607 11 47 04  
E-mail: [jarufe.geo@yahoo.com](mailto:jarufe.geo@yahoo.com)

## 11. XURADO TÉCNICO

(Sen contido)

## 12. SUSPENSIÓN DE PROBAS

**12. 1.** O Xuíz Controlador, tras consultar coa organización e coa dirección técnica da FEGADO, poderá suspender total ou parcialmente a celebración dunha proba antes de celebrarse ou nos días anteriores á mesma, sempre que concorran circunstancias que podan poñer en perigo a axeitada celebración da mesma ou a seguridade dos participantes.

**12. 2.** (Sen contido)

**12. 3.** No caso de decretarse a suspensión da proba, o organizador porase inmediatamente en contacto cos clubs, quen serán os únicos responsables de difundir a noticia entre os seus deportistas. O organizador propondrá outra data para a celebración da proba que terá que ser aprobada polo **órgano competente** da FEGADO.

**12. 4.** No suposto de suspensión o mesmo día de celebrarse a proba, antes de reunirse os participantes na zona de competición procederase coa maior celeridade posible, por parte de organizador, o Xuíz Controlador e os clubs, para evitar ós deportistas desprazamentos innecesarios. Se chegan a reunirse os participantes na zona de competición explicaranse as causas de dita suspensión. Neste caso, os participantes poderán solicitar a devolución das cuotas efectivamente abonadas, sempre e cando a causa sexa exclusivamente da organización, aspecto sobre o que decidirá o Xuíz Controlador.

**12. 5.** No caso de que non chegue a celebrarse a proba suspendida noutra data posterior, os inscritos terán dereito a que se lles aplique un factor de corrección pola proba suspendida e non celebrada, consonte o disposto na norma 6.4.

## 13. RECLAMACIÓNS

(Sen contido)

## 14. DISPOSICIÓN FINAL

(Sen contido)

## ANEXO 1. CATEGORÍAS E COTAS 2017

### Categorías oficiais:

- CADETE: nados en 2001 ou posteriores.
- XUVENIL: nados en 1999-2000.
- JUNIOR: nados en 1997-1998, incluídos.
- SENIOR: sen límite de idade.
- VETERANO A: nados en 1968-1977, incluídos.
- VETERANO B: nados en 1958- 1967, incluídos.
- VETERANO C: nados en 1957 ou anteriores.

### Cotas de inscrición en probas da Liga Galega de Orientación en Bicicleta-MTBO:

- Federados: 7 euros.
- Non Federados, con licenza de proba e participando en Iniciación Corta: 7 euros.
- Non Federados, con licenza de proba e participando en Iniciación Longa: 9 euros.
- Recargo por inscrición fóra de prazo: 1 euro.
- Reposición de dorsal: 1 euro.

## ANEXO 2. CALENDARIO V LIGA GALEGA DE ORIENTACIÓN EN BICICLETA-MTBO

NÚM.	FECHA	ORGANIZADOR	LUGAR	TIPO	OBSERVACIONES
1	11/3	AROMON	PONTEVEDRA	MEDIA	CAMPEONATO GALLEGO
2	12/3			LARGA	
3	16/9	BRIGANTIA AV.	---	---	---
4	16/9	BRIGANTIA AV.	---	---	---
5	7/10	GALLAECIA RAID	---	---	---
6	7/10	GALLAECIA RAID	---	---	---
7	28/10	FLUVIAL	---	---	---